



臨川先生文集卷第十五

律詩 五言八句

次韻唐公三首

烏塘

欲歸

發館陶

王村

長垣北

冬日

壬辰寒食

雨中

宿雨



乘日

秋露

還自河北應客

將次洛州憩漳上

和仲庶夜過新開湖憶冲之仲涂共泛

送契丹使還次韻荅淨因老

送吳叔開南征

遊棲霞庵約平甫至因寄

和棲霞寂照庵僧雲渺

宜春苑

春日

癸卯追感正月十五事

晚興和冲卿學士

秋興和冲卿

次韻冲卿除日春

題友人郊居水軒

遊賞心亭寄虔州女弟

江亭晚眺

金山寺

揖仙閣

舟夜即事

何處難忘酒二首

送孫子高

送董傳

寄深州晁同年

白雲然師

自白土村入北寺二首

題朱郎中白都莊

史教授獨善堂

寄福公道人

身閑

還家

題湯泉壁示諸子有欲閑之意

和唐公舍人訪淨因

沂溪懷正之

荅許秀才

次韻唐公三首

東陽道中

山蔽吳天密江蟠楚地深浮雲堆白玉落日寫黃金
渺渺隨行旅紛紛換歲陰強將詩詠物收拾濟時心

江行

材非當世用轂有故人推使節春冬換征帆日夜開
南遊取于越東望得州來試盡風波惡生涯亦可哀

旅思

此身南北老愁見問征途地大蟠三楚天低入五湖
看雲心共遠步月影同孤慷慨秋風起悲歌不爲鱸

烏塘

地僻居人少山稠伏獸多怒狸朝搏鴈曉虎夜窺騾

籬落生孫竹門庭上女蘿未應悲寂寞六載一經過

欲歸

水漾青天暖沙吹白日陰塞垣春錯莫行路老侵尋
綠稍還幽草紅應動故林留連一盃酒滿眼欲歸心

發館陶

促轡數殘更似聞雞一鳴春風馬上夢沙路月中行
茄鼓遠多思衣裘寒始輕稍知田父穩燈火閉柴荆

王村

掩靄土村路春風北使旗塵催輕騎走寒咽短簫吹
攬轡聯貂帽投鞭各酒卮紛紛小兒女何事倚牆窺

長垣北

攬轡長垣北貂寒不自持霜風急鼓吹煙月暗旌旗

流星點牆桑亞戟枝柴荆掩春夢誰見我行時

冬日

擾擾今非昔漫漫夜復晨風沙不貸客雲日欲迷人
散髮愁邊老開顏醉後春轉思江海上一洗白綸巾

壬辰寒食

客思似楊柳春風千萬條更傾寒食淚欲漲冶城潮
巾髮雪爭出鏡顏朱早雕未知軒冕樂但欲老漁樵

雨中

尚疑櫻欲吐已恹菊成漂紫萸凌風怯青苔挾雨驕
長閑故有味多難自無聊牢落柴荆晚生涯付一瓢

宿雨

綠攬寒蕪出紅爭暖樹歸魚吹塘水動鴈拂塞垣飛

宿雨驚沙盡晴雲晝漏稀却愁春夢短燈火著征衣

乘日

乘日塞垣入御風塘路歸胡皆躍馬去鴈却背人飛
煙水吾鄉似家書驛使稀忽忽照顏色恨不洗征衣

秋露

日月凋何急荒庭露送秋初疑宿雨泣稍怪曉霜稠
曠野將馳獵華堂已御裘空令半夜鶴抱此一端愁
還自河北應客

魏客問謠俗舊傳今自如材難知驥馬味美賽河魚
塞水移民久川防動衆初北人雖異論時議或非踈
將次洛州憩漳上

漠漠春風裏茸茸綠未齊平田鷓散啄深樹馬迎嘶

地入河流出天隨日去低高城已在眼聊復解輕齎

和仲庶夜過新開湖憶沖之仲涂共泛

水遠浮秋色河空洗夜氛行隨一明月坐失兩孤雲

露髮此時濕風顏何處醺淹留各有趣不比漢三君

白樂天有二處成孤雲之句

送契丹使還次韻荅淨因老

老欲求吾志時方據我華強將愁出塞空得病還家
日轉山河暖風含草木葩勝遊思一往不敢問三車
送吳叔開南征

摻袂不勝情犀舟擊汰行倦遊無萬里惜別有千名
春草淒淒綠江楓湛湛清金陵多麗景此去屬蘭成
遊棲霞庵約平甫至因寄

渺渺林間路蕭蕭物外僧高陰涼易入閑貌老難增
官事真傷錦君恩更飲冰求田此山下終欲忤陳登

和棲霞寂照庵僧雲渺

平甫

蕭然一世外所樂有誰同宴坐能忘老齋蔬不過中
無心爲佛事有客問家風笑謂西來意鉅空亦不空

宜春苑

宜春舊臺沼日暮一登臨解帶行蒼蘚移鞍一作坐
綠陰樹踈啼鳥遠水靜落花深無復增修事君王惜
費金

春日

冉冉春行暮菲菲物競華鶯猶求舊友鶯不肯貧家
室有賢人酒門無長者車醉眠聊自適歸夢到天涯

癸卯追感正月十五事

正月端門夜金輿縹緲中傳觴三鼓罷縱觀萬人同
警蹕聲如在嬉遊事已空但令千載後追詠太平功

晚興和沖卿學士

剌剌風生晚始娟月上初白沙眠綠驥清浪浴鱗魚
竟欲從君飲猶便讀我書斜陽不到處牆角樹扶踈

秋興和沖卿

雲浮朝慘淡風起夜颼颼欲作冰霜地先迴草樹秋
征人倚笛怨思婦向砧愁爲問隨陽鴈哀鳴豈有求

次韻沖卿除日立春

猶殘一日腐併見兩年春物以終爲始人從故得新
迎陽朝翦綵守歲夜傾銀恩賜隨嘉節無功祇自塵

題友人郊居水軒

田中三畝宅水上一軒開爲有漁樵樂非無仕進媒
槎頭收晚釣荷葉卷新醅坐說魚腴美功名挽不來
遊賞心亭寄虔州女弟

秀發千峯霽清涵萬里秋滄江天上落明月鏡中流
眼與寬俱斷身依影獨留爲憐幽興極不見爾來遊
江亭晚眺

日下崦嵫外秋生沆碭間清江無限好白鳥不勝閑
雨過雲收嶺天空月上灣歸鞍侵調角回首六朝山

金山寺

重經高處寺一與白雲親樹木有春意江山如故人
幽軒含氣象偏影落風塵日暮臨歸去徘徊欲損神

揖仙閣

結閣揖仙子疏塘臨隱扉水花紅四出山竹翠相圍
雲度疑輶下鳥驚恐鳥飛蜀韁寧可恃投釣此忘歸

舟夜即事

火距臨遙岸餘光照客船水明魚中餌沙暖鷺忘眠
感慨無窮事遲回欲曉天山泉如有意枕上送潺湲

何處難忘酒二首

擬白樂天作

何處難忘酒英雄失志秋廟堂生莽卓巖谷死伊周
賦斂中原困干戈四海愁此時無一盞難遣壯圖休

二

何處難忘酒君臣會合時深堂拱堯舜密席坐臯夔
和氣襲萬物歡聲連四夷此時無一盞真負鹿鳴詩

送孫子高

蕩漾江南客融怡席上珍一罇相別酒千里獨歸人
客路貧堪病交情遠更親白慙兒女意失淚滴衣巾

送董傳

悠悠隴頭水日夜向西流行路未云已歸人空復愁
文章合用世顏髮未驚秋一聽秦聲罷還來上國遊

寄深州晁同年

秀色歸荒隴新聲換鬣毛日催花藥急雲避鴈行高
駐馬旌旗暖傳觴鼓吹豪班春不知負短髮爲君搔

白雲然師

白首一山中形骸槁木同苔爭庵徑路雲補衲穿空
塵土隨車轍波濤信施工昏昏老南北應謝此高風

自白土村入北寺二首

木杪田家出城陰野逕分溜渠行碧玉畦稼卧黃雲
薄槿烟脂染深荷水麝焚夕陽人不見雞鷺自成群

二

雨過百泉出秋聲連衆山獨彙飛鳥外時渡亂流間
坐石偶成歇看雲相與還會須營一畝長此聽潺湲

題朱郎中白都莊

蕭灑桐廬守滄洲寄一廬山光隔釣岸江氣雜炊煙
藜杖聽鳴鶻籃輿看種田明時須共理此興在他年

史教授獨善堂

湖海十年舊林塘三畝餘靜非談者隱貧勝富人居
列鼎亦何有幅巾聊自如猶應不獨善學子滿階除

寄福公道人

帝力護禪林，滄洲側布金。樓依水月觀，門接海潮音。
開士但軟語，遊人多苦吟。曾同方丈宿，燈火夜沉沉。

身閑

身閑宜晚食，歲晏忌晨興。人自嘲便腹，吾方樂曲肱。
睡蛇雖不去，夢虺已無憑。寄語中林客，思禪病未能。

還家

還家豈不樂，生事未應閑。朝日已復出，征鞍方更攀。
傷心石道水，閔日萬重山。何以忘羈旅，脩然醉夢間。

題湯泉壁示諸子有欲閑之意

吟哦一水上，披寫衆峯間。偶運非彭澤，留名比峴山。
君才今尚稷，家行古原顏。平世雖多士，安能易地閑。

和唐公舍人訪淨因

西城方外士，傳法自南華。高蹈玩一世，旁通兼數家。
來遊仁者淨，傳誅正而葩。乘興何時載，還能託後車。

沂溪懷正之

故人何處所，天角浪漫漫。寂寞斷音驛，徘徊愁肺肝。
世情紛可怪，旅況浩難安。願化東南鷁，高飛託羽翰。

荅許秀才

高陽有才子，負笈求晨飧。所趣少知者，其辭多慨然。
樵妻竟謝絕，漂母嘗哀憐。尚友古之人，于今猶壯年。

臨川先生文集卷第十五

北青位下到池出步鞵安縣外東南臨高深瑞月
波入回波飛天魚影曼曼深寬
平溪對五之

來越二首
兩姓衣衣士
味真公舍入
結翠因

臨川先生文集卷第十六

律詩五言八句

五言長篇附

次韻景仁雪霽

次韻范景仁二月五日夜風雪

次韻冲卿過睢陽

答冲卿

得書知二弟附陳師道舟上汴

初憇和州

瘞起舍弟尚未已示道原

送杜十八之廣南

崑山慧聚寺次張祐韻

吳江

江

江南

賈生

還自夏家書所感

世事

寄純甫

招丁元珍

遊杭州聖果寺

京兆杜嬰大醇卒以詩二首傷之

江上二首

夏夜舟中頗涼因有所感

孤桐

遲明

陪友人中秋夕賞月

慎縣修路者

河勢

送河間晁寺丞

暮春

遊北山

吳正仲得故人寄蟹以詩謝之余次其韻

陳師道宰烏程縣

冬至

湯泉

讀鎮南邸報癸未四月作

擬和 御製賞花釣魚

和吳冲卿雪霽紫宸朝

和吳冲卿集禧齋祠

送周都官通判湖州

雙廟

張述許遠

和子瞻同王勝之游蔣山

送鄆州知府宋諫議

見遠亭上王郎中

次韻景仁雪霽

新聲生屋霑殘點著垣衣委翳無多在飄零不更飛
物中餘宿潤暖處自朝暉稍見青青色還從柳上歸
次韻范景仁二月五日夜風雪

何知此邂逅談笑接清揚對雪知春淺回燈惜夜長
密雲通炫晃殘月墮冥茫故有臨邛客抽毫興未忘
次韻冲卿過睢陽

宮廟此神鄉留親泊楚艫天開今壯麗地積古悲涼
不改山河舊猶餘草木荒還聞足賓客誰是漢鄒陽
荅冲卿

風作九衢黃南窓坐正涼破瓜青玉美浮萍白雲香
詩懶猶能強官閑肯便忘賢愚各有用尺寸果誰長
得書知二弟附陳師道舟上汴

兒童聞太丘邂逅兩心投與汝今爲伴知吾不復憂
園桃已解萼沙水欲驚舟一見南飛鴈江邊肯更留
初憩和州

衣足一囊弊粟餘三釜陳猶依食貧地已媿省煩人
塵土病催老風波愁過春詩書今在眼還欲討經綸
瘡起舍弟尚未已示道原

側足呻吟地連薨瘡瘡秋窮鄉鑿自絀小市藥難求
肝膽疑俱破筋骸漫獨瘳慙君遠從我契闊每同憂
送杜十八之廣南

東南炎海外尋訪又輪君過嶺猿啼暖貪程馬送曛
清談消瘴癘秀句起煙雲及早來鄉薦朝廷尚右文

崑山慧聚寺次張祐韻

峯嶺互出沒江湖相吐吞園林浮海角臺殿擁山根
百里見漁艇萬家藏水村地偏來客少幽興祇桑門

吳江

莽莽昔登臨秋風一散襟地留孤嶼小天入五湖深
相橘無千里魚鰕有萬金吾雖輕范蠡終欲此幽尋

江

靈源開闢有羸縮但相隨逆折山能礙奔流海與期
泥沙拆蚌蛤雲雨暗蛟螭欲問深何許馮夷祇自知

江南

江南春起拖秋至尚波濤問舍才能定呼舟已復操
行歌付浩蕩歸夢得蕭騷冉冉欲何補紛紛爲此勞

賈生

漢有洛陽子少年明是非所論多感槩自信肯依違
死者若可作今人誰與歸應須蹈東海不但涕沾衣
還自舅家書所感

行行過舅居歸路指親廬日苦樹無賴天空雲自如
黃焦下澤稻綠碎短樊蔬沮溺非吾意憫嗟聊駐車

世事

世事一何稠論心日已偷尚蒙今士笑宜見古人羞
老圃聊須問良田亦欲求非關畏黻冕無責易身修

寄純甫

塞上無花草飄風急我歸梢林聽澗落卷土看雲飛
想子當紅藥思家上翠微江寒亦未已好好著春衣

招丁元珍

默默不自得紛紛何所爲畫墁聊取食獵較且隨時
秋入江湖暗風生草樹悲黃花一杯酒思與故人持

遊杭州聖果寺

登高見山水身在水中央下視樓臺處空多樹木蒼
浮雲連海氣落日動湖光偶坐吹橫笛殘聲入富陽
京兆杜嬰大醇能讀書其言近莊其爲人
曠達而廉清自託於醫無貴賤請之輒往
卒也以詩二首傷之

二

蕭瑟野衣巾能忘至老貧避囂依市井蒙羞出埃塵
接物工齊物勞身耻爲身傷心宿昔地不復見斯人
叔度醫家子君平卜肆翁蕭條昨日事髣髴古人風
舊宅雨生菌新阡寒轉蓬存亡誰一問嗟我亦窮空

江上

潮連風浩蕩沙引客淹留落日更清坐空江無近舟

共看兼葦宅聊即稻梁謀未敢嗟艱食凶年半九州

二

書自江邊使鄉鄰病餓稠何言萬里客更作百身憂
補敗今誰卹趨生我自羞西南雙病眼落日倚扁舟

夏夜舟中頗京因有所感

扁身畏朝熱望夜倚桅檣日共火雲退風兼水氣涼
未秋輕病骨微曙浣愁腸堅我江湖意滔滔興不忘

孤桐

天質自森森孤高幾百尋陵霄不屈已得地木虛心
歲老根彌壯陽驕葉更陰明時思解溫願斲五絃琴

暹明

欹枕浩無情濛濛獨暹明霜繁紅樹老雲月素蟾清

倦鷓猶三市寒雞未一鳴故山何處所應有曉猿驚

陪友人中秋夕賞月

海霧看如洗秋陽望却昏光明疑不夜清瑩欲無坤
掃掠風前坐留連露下尊苦吟應到曉沈有我思存

慎縣修路者

畚築今三歲康莊始一修何言野人意能助令君憂
勩力非無補論心豈有求十年空志食因汝起予羞

河勢

河勢浩難測禹功傳所聞今觀一川破復以二渠分
國論終將塞民嗟亦已勤無災等難必從衆在吾君

送河間晁寺丞

公孫富又墨名字世多知談笑取高第弦歌當此時

臨河薪石費近塞繭絲移緩急常愁此看君有所爲
暮春

春期行晚晚春意賸芳菲曲水應修禊披香未試衣
雨花紅半墮煙樹碧相依悵望夢中地王孫底不歸
遊北山

攬轡出東城登臨目暫明煙雲藏古意猿鶴弄秋聲
客坐苔紋滑僧眠樾蔭清賞心殊未已山下日西榮
吳正仲謫官得故人寄蟹以詩謝之余次

其韻

越客上荆舫秋風憶把螯故煩分巨跪持用佐清糟
飲量寬滄海詩鋒捷孟勞甘食飽觴詠餘事付鈞陶

陳師道宰烏程縣

嘗聞太丘長德不負公卿墟墓今千載昆雲亦一城
本懷深閉蓄餘論略施行故自有仁政能傳家世聲
冬至

都城開博路佳節一陽生喜見兒童色歡傳市井聲
幽閑亦聚集瓌麗各携擎却憶他年事關商閉不行
湯泉

寒泉詩所詠獨此沸如烝一氣無冬夏諸陽自廢興
人游不附火蟲出亦疑冰更憶驪山下歛然雲滿塍
讀鎮南邸報癸未四月作

賜詔寬言路登賢壯陞廉相期正在治素定不煩占
衆喜夔龍盛予虞絳灌儉太平詎可致天意慎猜嫌
擬和 御製賞花釣魚

雲暖蓬萊日風酣太液春水光承步蟠花氣入鈎陳
伏檻留清蹕傳觴屬從臣霏香連釣餌落葉亂游鱗
鎬飲恩知厚嚮樽賜願均更看追夏諺先此詠逢辰

和吳冲卿雪霽紫宸朝

虎士開閭闔雞人唱九霄雲移銀闕角日轉玉廊腰
箒動川收潦靴鳴海上潮舞袍沾宿潤拜笏擁殘飄
賜飲人何樂歸嘶馬亦驕低徊但忘食吟咏得逍遙

和吳冲卿集禧齋祠

緘封祝辭密占寫御名真帝坐遥臨物星圖俯映人
風含煙外節月點霧中茵沈藿升煙遠槐檀取燎新
羽衣歸寂寞金錢立逡巡却想來時路還疑隔一塵

送周都官通判湖州

淶水烏程地青山顧渚濱酒醪猶美好茶薺正芳新
聚泛樽前月分班焙上春仁風已入俗樂事始關身
橘柚供南貢楓槐望北宸知君白羽扇歸日未生塵

雙廟張巡許遠

兩公天下駿無地與騰驤就死得處所至今猶耿光
中原擅兵革昔日幾侯王此獨身如在誰令國不亡
北風吹樹急西日照窻涼志士千年淚冷然落奠觴

和子瞻同王勝之游蔣山并序

子瞻同王勝之游蔣山有詩余愛其峰多巧障日江
遠欲浮天之句因次其韻

金陵限南北形勢豈其然楚役六千里陳亡三百年
江山空幕府風月自觥船主送悲涼岸妃埋想故蓮

臺傾鳳久去城踞虎爭偏司馬墀廟域獨龍層塔顛
森疎五願木蹇淺一人泉枕杖窮諸嶺藍輿罷半天
朱門園渌水碧瓦第青煙墨客真能賦留詩野竹娟

送鄆州知府宋諫議

盛世千齡合宗工四海瞻天心初顯俊雲翼首離潛
德望完圭角儀形壯陛陛廉徐鳴蒼玉佩盡校碧牙籤
綸掖清光注鑿坡茂渥霑文明誠得主政瘼尚煩砭
右府參機務東塗贊景炎廟謨資石畫兵略倚珠鉉
坐鎮均勞逸齋居養智恬謳謠喧井邑惠化穆蒼黔
進律朝章舊疏懇物議僉通班三殿遂徙部十城兼
中肅周之翰龜蒙魯所詹地靈奎宿照野沃汶河漸
首路龍旗感提封虎節嚴賜衣纓紫艾衛甲綴朱綬

海谷移文省谿堂燕豆添班春回紺憶問俗卷彤襜
舟楫商巖命能罷涓水占治裝行入覲金鼎重調鹽

見遠亭上王郎中

高亭豁可望朝暮對谿山野色軒楹外霞光几席間
樹侵蒼靄沒鳥背夕陽還草帶平沙闊烟籠別戍閑
圃畦荷氣合田徑燒痕斑樵笛吟晴塢漁帆出暝灣
登臨及芳節宴喜發朱顏夾砌陳旌旒塞簾進佩環
觀風南國最應宿紫宸班康樂詩名舊蕪音詎可攀

臨川先生文集卷第十六

臨川先生文集卷第十七
律詩 七言八句
歲晚懷古
段約之園亭
又段氏園亭
回撓
醉醺金沙二花合發
次韻公闢正議書公戲語申之以祝助發一笑
次韻致遠木人洲二首
次韻龔深甫二首
次葉致遠韻
次韻酬朱昌叔五首

臨川先生文集卷第十七

律詩 七言八句

歲晚懷古

段約之園亭

又段氏園亭

回撓

醉醺金沙二花合發

次韻公闢正議書公戲語申之以祝助發一笑

次韻致遠木人洲二首

次韻龔深甫二首

次葉致遠韻

次韻酬朱昌叔五首

次韻送程給事知越州

次韻酬徐仲元

詩奉送覺之奉使東川

次韻奉酬覺之

送程公闢得謝歸姑蘇

送項判官

次韻張德甫奉議

北山三詠

寶公塔

覺海方丈

道光泉

登寶公塔

重登寶公塔復用前韻二首

紙暖閣

雨花臺

北窓

小姑

榮上人遽欲歸以詩留之

呈陳和叔并序

招呂望之使君

公闢在道見過獲聞新詩因叙歎仰

全椒張公有詩在北山西菴僧者境之悵然有感

嶺雲

蓼蟲

莫疑

歲晚懷古

先生歲晚事田園魯叟遺書廢討論問訊桑麻憐已
長按行松菊喜猶存農人調笑追尋壑稚子歡呼出
候門遙謝載醪祛惑者吾今欲辯已忘言

段約之園亭

愛公池館得忘機初日留連至落暉菱暖紫鱗跳復
沒柳陰黃鳥轉還飛徑無凡草唯生竹盤有嘉蔬不
采俊勝事閩州雖或有終非吾土豈如歸

又段氏園亭

歌眠隨水轉東垣一點炊煙映水昏漫漫芙蓉難覓
略脩脩楊柳獨知門青山呈露新如染白鳥嬉游靜
不煩朱雀航邊今有此可能搖蕩武陵源

回橈

柴荆散策靜涼颺隱几扁舟白下潮紫磨月輪升靄
靄帝青雲幕卷寥寥數家鷄犬如相識一塢山林特
見招尚憶木瓜園最好興殘中路且回橈

酴醿金沙二花合發

相扶照水弄春柔發似矜夸歛似羞碧合晚雲霞上
起紅爭朝日雪邊流我無丹白知如夢人有朱鉉見
即愁疑此冶容詩所忌故將膠木北綢繆

次韻公闢正議書公戲語申之以祝助發
一笑

故人辭祿未忘情語我猶能作扞城身不自遭如貢
薛兒應堪教北韋平老罷豈得長高卧雛鳳仍聞已
間生把盞祝公公莫拒緇衣心爲好賢傾

次韻致遠木人洲二首

迷子山前漲一洲木人圖志失編收年多但有柳生
肘地僻獨無茅蓋頭河側鮑生乾尚立江邊屈子槁
將投未妨他日稱居士能使君疑福可求

二

杙爾何年客此洲飄流誰弃止誰收無心使口肝使
目有幹作身根作頭暴露神靈難寄託禱祠村落幾
依投紛紛剪紙真虛負立槁安知富可求

次韻酬龔深甫二首

恩容楚老護松楸復得一龔從我遊講肄劇談兼祖
謝舞雩高蹈異求由北尋五柞故乘愁東挽三楊仍
有穆陟嶽降原從此始但無瑤玉與君舟

二

握手東岡雪滿筵後期惆悵老吳蠶芳辰一笑真難
值暮齒相思豈又堪他日杜詩傳渭北幾時周宅對
漳南百年邂逅能多少且可勤來共草菴

次葉致遠韻

生涯聊占水中洲豈即乘桴逐聖丘身與鳧飛仍鴈
集心能茅靡亦波流由來杞梓常先伐誰謂菰蒲可
久留乘興吾廬知未厭故移脩作擬延騶一作知君
洲去即東浮逐聖丘憂國無時須問舍得底有興即
乘流由來要路當先據誰謂窮鄉可久留他日五湖

尋范蠡想能
重此駢前翰

次韻酬朱昌叔五首

點也白殊由與求既成春服更何憂拙於人合且天
合靜與道謀非食謀未愛京師傳谷口但知鄉里勝
壺頭嗟予老矣無一事復得此君相與遊

二

去年音問隔淮州百謫難知亦我憂前日杯盤共江
渚一歡相屬豈人謀山蟠直瀆輸淮口水抱長干轉
石頭乘輿舟輿無不可春風從此與公遊

三

烏榜登臨興未休共言何許更消憂聯裾蕭寺尋真
覺方駕孫陵弔仲謀語罷每開歡笑口詩來仍掉苦
吟頭已知軒冕真吾累且可追隨馬少游

四

白下門東春水流相看一噓散千憂穿梅入柳曾莫
逆度溼綠岡初不謀世事但如吹劍首官身難即問
刀頭長臨鍛竈真自苦有興復來從我遊

五

樂世閑身豈易求巖居川觀更何憂放懷自事如初
服買宅相招亦本謀名譽子真矜谷口事功新息困
壺頭知君於此皆無累長得追隨壙垆遊

次韻送程給事知越州

千騎東方占上頭如何誤到北山遊清明若覩蘭亭
月暖熱因忘蕙帳秋投老始知歡可惜通宵豫以別

為憂西歸定有詩千首想肯重來賁一丘

次韻酬徐仲元

投老逍遙屺與堂天刑真已脫桁揚綠源靜翳無魚
淖度谷深追有鳥頑每苦交游尋五柳最嫌尸祝擾
庚桑相看不厭唯夫子風味真如顧建康

詩奉送覺之奉使東川

三秋不見每惓惓握手山林復悵然後會敢期黃耆
日相看且度白鷄年畏途石棧王尊馭榮路金門祖
逖鞭一代官儀新藻拂得瞻宸宇想留連

次韻奉酬覺之

又知乘傳入西州雞黍從容本不謀戶外驚塵天書
至眼中飛浪片帆收山林病骨煩三顧湖海離腸欲
萬周尚有光華貴岑寂篋中佳句得長留

送程公闕得謝歸姑蘇

東歸行路嘆賢哉舉落新除寵上才白傅林塘傳畫
去吳王花鳥入詩來唱酬自有微之在談笑應容逸
少陪少保元終謝事姑蘇又王除此兩翁相見外

不知三徑為誰開

送項判官

斷蘆洲渚落楓橋渡口沙長過午潮山鳥自呼泥滑
滑行人相對馬蕭蕭十年長自青衿識千里來非白
璧招握手祝君能強飯華嘗常得從雞翹

次韻張德甫奉議

知君非我載醪人終日相隨免汗茵賞盡高山見流

水唱殘白雪值陽春中分香積如來鉢對現毗耶長者身誰拂定林幽處壁與君圖寫繼吾真

北山三詠

寶公塔

道林真骨葬青霄窳堵千秋未寂寥寶勢旁連大江起尊形獨受衆山朝雲泉別寺分三徑香火幽人止一瓢我亦鷲峰同聽法歲時歌嘒豈辭遙

覺海方丈

往來城府住山林諸法儵然但一音不與物違真道廣每隨緣起自禪深舌根已淨誰能壞足迹如空我得尋歲晚北窓聊寄傲蒲菊零落半牀陰

道光泉

擇龍將雨繞山行注遠投深靜有聲雲涌浴槽朝自暖虹垂齋鑊午還晴烟旣各滿幽人意玉甃因高正士名神力可嗟妨智巧枯槔零落復苔生

登寶公塔

倦童疲馬放松門自把長筇倚石根江月轉空爲白晝嶺雲分暝與黃昏鼠搖岑寂聲隨起鷓鴣荒寒影對翻當此不知誰客主道人忘我我忘言

重登寶公塔復用前韻二首

空見方墳涌半霄難將生死問參寥應身東返知何國瑞像西歸自本朝遺寺有門非輦路故池無鉢但僧瓢獨龍下視皆陳迹追數齊梁亦未遙

碧玉旋螺恍隔霄冠山仙冢亦寥寥空餘華構延風
月無復靈蹤落市朝帳座追嚴多獻寶供盤隨施有
採瓢他方出沒還如此與物何心作邈遙

紙暖閣

聯屏蓋障一尋方南設鈎簾北置牀側座對敷紅絮
暖仰窓分啓碧紗涼氈廬易以梅烝壞錦幄終於草
野妨楚穀越藤真自稱每糊因得減書囊

雨花臺

盤互長干有絕陁并包佳麗入江亭新霜浦淑綿綿
淨薄晚林巒往往青南上欲窮牛渚怪此尋難忘草
堂靈便與却走垂楊陌已戴寒雲一兩星

北窓

病與衰期每強扶雞癭枯梗亦時須空花根蒂難尋
摘夢境煙塵費掃除耆域藥囊真妄有軒轅經匱或
元無北窓枕上春風暖漫讀毗耶數卷書

小姑

小姑未嫁與蘭支何恨流傳樂府詩初學水仙騎赤
鯉竟尋山鬼從文狸續紛雲襖空棠熾綽約煙鬟獨
桂旗弄玉有祠終或往飛瓊無夢故難知

策上人遽欲歸以詩留之

道人傳業自天台千里脩然赴感來梵行毗沙爲外
護法筵靈曜得重開已能爲我迂神足便可隨方長
聖胎肯顧北山如慧約與公西崦斷莓苔

呈陳和叔并序

嘉祐末和叔以集賢校理判登聞鼓院同知太常禮
院皮場街有園數畝中置二椽甍袤丈北戶臨溝略
約通街旁作小屋毀輜車爲蓋某以直集賢院爲三
司度支判官以知制誥糾察在京刑獄同管勾三班
院間度約飯車蓋下隨所有無坐卧甍上笑語常至
夜如此三歲而和叔遭太夫人憂未幾某亦喪親以
去時 永昭陵尚未復土也後與和叔皆蒙

今上拔用數會議語皆憂傷之餘責厚事叢無復故
情元豐元年某食觀使祿居鍾山南和叔經略廣東
道舊俵然某作詩以叙其事

毀車爲屋僅容身三歲相要薄主人畫寓椽甍常至
夜冬泐溝約復葺春南陔不泊公歸里蒼墓垂成我
喪親後會縱多無此樂山林投老一傷神

召呂望之使君

潮溝東路兩牛鳴十畝漪漣一草亭委質山林如許
國寄懷魚鳥欲忘形紛紛易變浮雲白落落誰鍾老
栢青尚有使君同好惡想隨秋水肯揚舲

公闢枉道見過獲聞新詩因叙歎仰

青丘神父能爲政碧落僊翁好作詩舊事齊兒應共
記新篇楚老得先知懷甍大峴如迎日供帳閭門勝
去時若與鷗夷鬪百草錦囊佳麗敵西施

全椒張公在詩在北山西菴僧者墁之悵

然有感

十年悵悵躡山阡終欲持杯滴到泉東路角巾非故

約西州華屋漫脩椽幽明未隔休炊黍真俗相妨又
絕弦遺墨每看疑邂逅復隨人事散如煙

嶺雲

嶺雲合處小盤桓人得數衾馬解鞍寒英著天偷歷
歷淨華浮海桂團團交游渙散淵明喜吏卒蕭條叔
夜寬方丈老翁無一髮更知來不爲皮冠

蓼蟲

蓼蟲事業無餘習芻狗文章不更陳隱几自憐居喪
我倨堂誰覺似非人難堪藏室稱中士祗合箕山作
外臣尚有少緣灰未死欲持新句惱比隣

莫疑

莫疑禪伯未知禪莫笑仙翁不學仙靈骨肯傳黃蘗
爐真心自放赤松煙蓮華世界何關汝楮葉工夫浪
費年露鶴聲中江月白一燈岑寂擁書眠

臨川先生文集卷第十七

臨川先生文集卷第十八

讀眉山集次韻雪詩五首
讀眉山集愛其雪詩能用韻復次韻一首
八功德水
寄題程公闢物華樓
酬俞秀老

臨川先生文集卷第十八

律詩 七言八句

示俞秀老

外厨遺火示公佐

讀眉山集次韻雪詩五首

讀眉山集愛其雪詩能用韻復次韻一首

八功德水

寄題程公闢物華樓

酬俞秀老

次韻吳冲卿召赴資政殿聽讀詩義感事

張侍郎示東府新居詩因和酬二首

次韻冲卿從駕至集禧觀偶成

次韻陪 駕觀燈

和吳相公東府偶成

和蔡樞密孟夏日西府書事

和蔡副樞賀平戎慶捷

次韻奉和蔡樞密南京種山藥法

次韻元厚之平戎慶捷

謁曾魯公

駕自啓聖還內

集禧觀池上詠野鵝

次韻東廳韓侍郎齋居晚興

酬和甫祥源觀醮罷見寄

和 御製賞花釣魚

次楊樂道韻六首

後殿朝次偶題

御溝

幕次憶漢上舊居

後苑詳定書懷

上巳聞苑中樂聲書事

用韻書十日事呈樂道舍人聖從待制

詳定幕次呈聖從樂道

崇政殿詳定幕次偶題

詳定試卷二首

奉酬楊樂道

奉酬聖從待制

次韻吳仲庶省中畫壁

夜讀試卷呈君實待制景仁內翰

答張奉議

示俞秀老

繚繞山如涌翠波人家一半在煙蘿時豐笑語春聲
早地僻追尋野興多宰堵朱甍開北向招提系脊隱
西阿暮年要與君攜手處處相煩作好歌

外厨遺火示公佐

刁匕初無欲清姓人如何竈鬼尚嫌嗔脩脩短褐
方煬一作火井井青煙已被宸邂逅焚巢連鳥雀舍
黃濡幕愧比鄰王陽幸有囊衣在報賞焦頭亦未貧
讀眉山集次韻雪詩五首

若木昏昏未有鷗凍雷深閉阿香車搏雲忽散筵為
屑翦水如分綴作花擁帚尚憐南北巷持杯能喜兩
三家戲揆弄掬輸兒女羔袖龍鍾手獨叉

二

神女青腰寶髻鷓獨藏雲氣委飛車夜光往往多聯
壁白小紛紛每散花珠網纒連拘翼座瑶池森漫阿
環家銀為宮闕尋常見豈即諸天守夜叉

三

惠施文字黑如鷗於此機緘漫五車儼若易經終不
染紛然能幻本無花觀空白足寧知處疑有青腰豈
作家慧可忍寒真覺晚為誰將手少林叉

四

寄聲三足阿環鷓問訊青腰小駐車
照肌寧有種紛紛迷眼爲誰花
爭妍恐落江妃手耐冷疑連月
姊家長恨玉顏春不久畫圖時展爲君文

五

戲搖微縞女鬟鷓試咀流酥已頰車
歷亂稍埋冰採粟消沉時點水
圓花豈能解艫真尋我且與蝸牛獨
卧家欲挑青腰還不敢直湏詩膽付劉文

讀眉山集愛其雪詩能月韻復次韻一首

靚粧嚴飾曜金鷓比興難工漫百車
水種所傳清有骨天機能識皦非花
嬋娟一色明千里綽約無心熟
萬家長此賞懷甘獨卧袁安交戰豈須文

八功德水

雪山馬口出琉璃聞說諸天與護持
此水遙連八功德供人真淨四威儀
當時迦葉無塵染何事闕鄉有
土思道力起緣非一路但知瓢飲是生疑

寄題程公闢物華樓

吳楚東南最上游江山多在物華樓
遙瞻旌節臨尊俎獨卧柴荆阻獻酬
想有新詩傳素壁怪無餘墨到
滄洲遇浯南望重重綠章水還能向此流

酬俞秀老

灑掃東菴置一牀於君獨覺故情長
有言未必輸摩詰無法何曾泥飲光
天壤此身知共弊江湖他日要
相忘猶貪半偈歸思索却恐提栢妄揣量

次韻吳冲卿召赴資政殿聽讀詩義感事

冲卿詩云雪銷鳩鴉御溝融燕見殊恩綴
上公晝日乍驚三接寵正風樓聽二南終
漸長知禹錫侍臣何術補堯聰時修撰經
義所初進二南有
旨資政殿讀云

周南麟趾聖人風未有騶虞繫召公雅頌兼陳爲四
始笙歌合奏以三終討論詔使成書上休瀚恩容著
藉通牆面豈能知奧義延陵聽賞自爲聰

張侍郎示東府新居詩因而和酬二首

得賢方慕北山萊赤白中天二府開功謝蕭規慙漢
第恩從隗始詫燕臺曾留 上主經過跡更費高人
賦詠才自古落成須善頌掃除東閣望公來

二

榮觀流傳動草萊中官賜設上尊開鼓歌窸窣聽疑
夢着果聯翩魏有臺斧藻故應宜舊德棟梁非復稱
凡材虛堂欲踵曹參事試問齊人或肯來

次韻冲卿上元從 駕至集禧觀偶成

昭陵持橐從遊人更見熙寧第四春寶構中開移玉
座華燈錯出映朱塵輦前時看新歌舞仗外還如舊
微巡投老逢時追往事却含愁思度天津

次韻陪 駕觀燈

繡篔合風下玉除宮商挾奏斐然殊福祥周室流爲
火恩澤堯樽散在衢伏枕但能知廣樂揮毫何以報
明珠願留巾篋歸田日追詠公歡每自娛

和吳相公東府偶成

承華往歲幸躋躋風月清談接緒餘並轡趨朝今已

老連牆得屋喜如初誅茅我夢江阜地澆薤公思洛
水渠歛退故應容拙者先營環堵祭牢蔬

和蔡樞密孟夏日西府書事

宮闕初晴氣象饒寶車攢轂會東朝重輪慶自離明
發內壤陰隨解澤消賜籩外廷紛錦繡燕庖中禁續
薪樵聯翩入賀知君意咫尺威顏不隔霄

和蔡副樞賀平戎慶捷

城郭名王據兩陲軍前一日送降旗羌兵自此無傳
箭漢甲如今不解纍幕府上功聯舊代朝廷稱慶具
新儀周家道泰西戎喙還見詩人詠串夷

次韻奉和蔡樞密南京種山藥法

蔡詩并序云蒙

見索南都種山藥法并以生頭數十莖送上輒成小詩青青正是中分天區種何妨

詩玉芝即見引須綠夏本定知如燕蕩冬
從露帶蟬蛸以履潤還御水冰霜結蔭
堯雲雨露偏自裛自題還
白娜握苗應笑宋人然

區種拋來六七年春風條蔓想宛延難追老圃莓苔
徑空對珍盤玳瑁筵嘉種忽傳河右壤靈苗更長闕
西偏故畦穿斲知何口南望鍾山一慨然

次韻元厚之平戎慶捷

來詩有何人更得通
天帶謀合君心

只晉公之句

朝廷今日四夷功先以招懷後殪戎胡地馬牛歸隴
底漢人煙火起湟中投戈更講諸儒藝免胄爭趨上
將風文武佐時慚吉甫宣王征伐自膚公

謁曾魯公

即赴會時

胡戴三朝冕有蟬歸榮今作地行仙且開京闕一作洛

蕭何第未放江湖范蠡船
老景已鄰周呂尚慶門方
似漢韋賢一觴豈足爲公壽
願賦長虹吸百川

駕自啓聖還內

衣冠原廟漢家儀羽衛親來此一特
天子當懷霜露感都人亦歎鼓簫悲
紛紛瑞氣隨雲漢漠漠榮光上日旗
塵土未驚閭闔閉綠槐空覆影參差

集禧觀池上詠野鵝

池上野鵝無數好晴天鏡裏雪毳
毵似憐暄暖鳴相逐疑戀寬閑去却
回京洛塵沙工點汗江湖矰弋飽驚
猜羽毛的的人難近嗟此謀身或有才

次韻東廳韓侍郎齋居晚興

齋禁雖嚴異太常蕭然高卧意何長
煙舍欲暝宮庭紫日映新秋省闈黃
壯節易摧行踽踽華年相背去堂堂
追攀坐歎風塵隔空聽鈞天夢帝鄉

酬和甫祥源觀燠罷見寄

竊祿祠官又見容每持金石薦宸衷
鈞天忽忽清都夢方丈寥寥弱水風
知結勝緣人意外想尋陳迹馬蹄中
新詩起我超然興更感鍾山蕙帳空

和 御製賞花釣魚

蔭幙晴雲拂曉開傳呼仙仗九天來
披香殿上留朱輦太液池邊送玉杯
宿蘂暖含風浩蕩戲鱗清映日徘徊
宸章獨與春爭麗恩許賡歌豈易陪

二

靄靄祥雲輦路晴傳呼萬歲雜春聲
蔽虧玉仗宮花

密映燭金溝御水清珠藻受風天下暖錦鱗吹浪日
邊明從容樂飲真榮遇願賦嘉魚頌太平

次楊樂道韻六首

後殿朝次偶題

百年文物士優游萬國今方似綴旒發策東堂招雋
又回輿北苑罷倡優忽隨諸彥登龍尾尚憶當年應
鵠頭獨望清光無補報更慙虛食太官羞

御溝

渺渺金河漲欲平數支分綠報清明常縈輦路漂花
去更引流杯送酒行靜見金輿穿樹影清含玉漏過
牆聲衰顏一照自多感廻首江南春水生

幕次憶漢上舊居

漢水泱泱繞鳳林岷山南路白雲深如何憂國忘家
日尚有求田問舍心直以文章供潤色未應風月負
登臨超然便欲遺策去却恐元龍會見侵

後苑詳定書懷

文墨由來妙禁中家傳豈獨賦河東平生聽想風聲
早數日追隨笑語同御水新如鴨頭綠宮花更有鶴
翎紅看花弄水聊爲樂不晚朝廷相弱翁

上巳聞苑中樂聲書事

苑中誰得從春遊想見漸臺瓦欲流御水曲隨花影
轉宮雲低繞樂聲留年華未破清明節日暮初回棹
楔舟更覺至尊思慮遠不應全爲拙倡優

用樂道舍人韻書十日事呈樂道舍人

聖從待制

東門人物亂如麻想見新鸞照路華
午鼓已傳三刻漏從官初賜一杯茶
忽忽殿下催分首擾擾宮前聽賣花
歸去莫言天上事但知呼客飲流霞

詳定幕次呈聖從樂道

殿閣掄材覆等差從臣今日擅文華
楊惟識字無人敵何遜能詩有世家
舊德醉心如美酒新篇清日勝真茶
一觴一詠相從樂傳說猶堪異日誇

崇政殿詳定幕次偶題

嬌雲漠漠護層軒嫩水濺濺不見源
禁柳萬條金細撚宮花一段錦新翻身
閑始更知春樂地廣還同避世喧
不恨玉盤冰未賜清談終日自蠲煩

詳定試卷二首

簾垂咫尺斷經過把卷空聞笑語多
論衆勢難專可否法嚴人更謹誰何
文章直使有無類勲業安能保不磨
疑有高鴻在寥廓未應回首顧張羅

二

童子常誇作賦工暮年羞悔有楊雄
當時賜帛倡優等今日論才將相中
細甚客卿因筆墨早於爾雅注魚蟲
漢家故事真當改新詠知君勝弱翁

奉酬楊樂道

邂逅聯裾殿閣春却愁容易即離群
相知不必因相識所得如今過所聞
近代聲名出盧駱前朝筆墨數淵雲
與公家世由來事愧我初無百一分

奉酬聖從待制

班行想望歲空多，知有龍門未敢過。
和近聖人師展季，勇爲君子盜荆軻。
三刀舊協庭闈夢，五袴今傳里巷歌。
復道諫書嘗滿篋，不唯詩句似陰何。

次韻吳仲庶省中畫壁

畫史雖非顧虎頭，還能滿壁寫滄洲。
九衢京洛風沙地，一片江湖草樹秋。
行數儵魚賓共樂，卧看鷗鳥吏方休。
知君定有扁舟意，却爲丹青肯少留。

夜讀試卷呈君實待制景仁內翰

篝燈時見語驚人，更覺揮毫捷有神。
學問比來多可喜，文章非特巧爭新。
蕉中得鹿初疑夢，牖下窺龍稍眩真。
邂逅兩賢時所服，坐令孤朽得相因。

答張奉議

五馬渡江開國處，一牛吼地作菴人。
結蟠茅竹纔方丈，穿築溝園未過旬。
我又欲忘言語道，君今來見句文身。
思量何物堪酬對，捧喝如今摠不親。

臨川先生文集卷第十八

次韻酬府推仲通學士雪中見寄

次韻宋次道憶太平早梅

和曾子翊授舒椽之作

送劉和父奉使江西

次韻張子野竹林寺二首

送吳龍圖知江寧

送直講吳殿丞宰鞏縣

送真州吳處厚使君

送李質夫知陝府

題儀真致政孫學士歸來亭

次韻吳季野題岳上人澄心亭

送彥珍

寄張先郎中

汜水寄和甫

寄黃吉甫

次韻平甫村墅春日

即席次韻微之泛舟

示長安君

和平甫招道光法師

和祖仁晚過集禧觀

程公闢轉運江西

次韻微之即席

和王微之秋浦望齊山感李太白杜牧之

次韻王微之登高齋

和微之重感南唐事

李君曩弟訪別長蘆至淮陰追寄

貴州虞部使君訪及道舊竊有感惻因成小

詩

冲卿席上得行字

示董伯懿

次韻和吳仲庶池州齊山畫圖

知制誥時作

省中何忽有崔嵬六幅生
綃坐上開指點便知巖石
處登臨新作使君來雅懷
重向丹青得勝勢兼隨翰
墨回更想杜郎詩在眼一
江春雪下離堆

次韻祖擇之登紫微閣二首

漠漠秋陰護掖垣青雲祇
在雨楹間宮樓唱罷雞人

還門闕朝歸虎士閑華蓋
北瞻天帝座逢萊東想道

家山却慙久此隨諸彦文
采初無豹一斑

二

掖門相對敞銅鑲轍飛甍
在兩閒潤色平生知地
禁登臨此日愧身閑浮雲
倒影移窻隙落木回飈動
屋山忽憶初來秋尚早紫
微花點綠苔斑

送沈興宗察院出使湖南

諫書平日早囊中朝路爭
看一馬馳漢節飽曾衝海
霧楚帆聊復借湖風皇華
命使今為重直道酬君遠
亦同投老承明無補助得
為湘守即隨公

春風

一馬春風北首燕却疑身
得舊山川陽浮樹外滄江

水塵漲原頭野火煙日借嫩黃初著柳雨催新綠稍
歸田回頭不見辛夷發始覺看花是去年

永濟道中寄諸舅弟

燈火忽忽出館陶回看永濟日初高似聞空舍鳥烏
樂更覺荒陂人馬勞客路光陰真棄置春風邊塞祇
蕭騷辛夷樹下烏塘尾把手何時得汝曹

道逢文通北使歸

朱顏使者錦貂裘笑語春風入具州欲報京都近消
息傳聲車馬少淹留行人盡道還家樂騎士能吹出
塞愁回首此時空慕羨驚塵一段向南流

將次相州

青山如浪入漳州銅雀臺西入九丘螻蟻往還空籠

敵騏驎埋沒幾春秋功名蓋世知誰是氣力廻天到
此休何必地中餘故物魏公諸子分衣裘

次韻平甫喜唐公自契丹歸

予辭北使而唐公代往

鬪犁撓酒得戎心繡袷通歡歲月深奉使由來須陸
賈離視何必強曾參燕人候望空甌脫胡馬追隨出
蹄林萬里春風歸正好亦逢佳客想揮金

尹村道中

滿眼霜吹宿草根謾知新歲不逢春却疑青嶂非人
世更覺黃雲是塞塵萬里張侯能奉使百年曾子肯
辭親自憐許國終無用何事紛紛客此身

次韻王勝之詠雪

萬戶千門車馬稀行人却返鳥休飛玲瓏翦水空中

墮的鑠裝春樹上歸素髮聯華驚老大玉顏爭好羨
輕肥朝來已賀豐年瑞更問田家果是非

次韻酬府推仲通學士雪中見寄

朝來看雪詠君詩想見朱衣在亦遲爲問火城將策
試何如雲屋聽臆知曲牆稍覺次來密窮巷終憐掃
去遲欲訪故人非興盡自綠無路得傳卮

次韻宗次道憶太平早梅

大梁春費寶刀催不似湖陰有早梅今日盤中看翦
綵當時花下就傳杯紛紛自向江城落杳杳難隨驛
使來知憶舊游還想見西南枝上月徘徊

和曾子翊授舒掾之作

皖城終歲靜如山府掾應從到日閑一水碧羅裁繚

繞萬峯蒼玉刻奇顏舊遊筆墨苦今老浪走塵沙鬢
已斑攬轡燕君橋北路春風枝上鳥關關

送劉和父奉使江西

劉郎今日擁旌麾傳到江南喜可知上冢還須擊羊
豕下車應不問狐狸無人敢效勤一作公榮酒爲我聊
尋逸少池亦見嶺頭花爛熳更將春色寄相思

次韻張子野竹林寺二首

澗水橫斜石路深水源窮處有叢林青鴛幾世開蘭
若黃鶴當年瑞卯金敗壁數峯連粉墨涼煙一穗起
檀沈十年親友半零落回首舊遊成古今

二

京峴城南隱映深兩牛鳴地得禪林風泉隔屋撞哀

玉竹月綠堦點碎金藻井仰窺塵漠漠青燈對宿夜
沈沈扁舟過客十年事一夢此山愁至今

送吳龍圖知江寧

才高明主眷方深屬郡聞風自革心問里不須多按
治山川從此數登臨茅簷坐隔雲千里柘蘿初抽翠
一尋東望泫然知有寄但疑公豈久分襟

送直講吳殿丞宰鞏縣

青嵩碧洛曾遊地墨綬銅章忽在身擁馬尚多畿甸
雪隨衣無復禁城塵古來學問須行已此去風流定
慰人更憶少陵詩上語知君不負鞏梅春

送真州吳處厚使君

江上齋船駐彩橈鳴笳應滿綠楊橋久爲漢吏知文

涉當使淮人服教條拱木延陵瞻故國叢祠瓜步認
前朝登臨莫負山川好終欲東歸聽楚謠

送李質夫之陝府

平世求才漫至公悠悠羈旅士多窮十年見子尚短
褐千里隨人今北風戶外履貧虛自滿樽中酒賤亦
常空共嫌欲老無機械心事還能與我同

題儀真致政孫學士歸來亭

彭澤陶潛歸去來素風千歲出塵埃明時傳老心無
累故里高門子有才更作園林負城郭常留花月映
池臺却尋五柳先生傳柴水區區但可哀

次韻吳季野題岳上人澄心亭

高亭五月尚寒生回首塵沙自鬱蒸砌水亂流穿石

底檻雲高出蔽山層躋攀欲絕人間世締構知從物
外僧腸胃坐來清似先神寄未怪佛圖澄

送彥珍

挾筴窮鄉滿鬢絲陂田荒盡豈嘗窺未應谷口終身
隱正合蓄川舉國推握手百憂空徃事還家一笑即
芳時柘岡定有辛夷發亦見東風使我知

寄張先郎中

留連山水住多時年比馮唐未覺衰篝火尚能書細
字郵筒還肯寄新詩胡牀月下知誰對蠶榭花前想
自隨投老主恩聊欲報每瞻高躅恨歸遲

汜水寄和甫

虎牢關下水逶迤想汝飄然過此時灑血祗添波浪
起脫身難借羽翰追留連厚祿非朝隱垂隔殘年更
土思已十冶城三故地寄聲知我有歸期

寄黃吉甫

朱顏去似朔風驚白髮多於野草生挾筴讀書空有
得求田問舍轉無成解鞍烏石岡邊坐攜手辛夷樹
下行今日追思真樂事黃塵深處走雞鳴

次韻平甫村墅春日

昨日青青尚未齊忽看春色滿高低陂梅弄影爭先
舞葉鳥藏身自在啼樵躑踏雲歸舊徑漁簑背雨向
前溪似知我欲逃軒冕談笑相過各有攜

即席次韻微之泛舟

畫舸幽尋北果園應將陳迹問桑門地隨蘋墅行多

曲天著岡巒望易昏故國時平空有木荒城人少半
爲村悠悠興廢皆如此賴付乾愁酒一罇

示長安君

少年離別意非輕老去相逢亦愴情草草杯盤供笑
語昏昏燈火話平生自憐湖海三年隔又作塵沙萬
里行欲問後期何日是寄書應見鴈南征

和平甫招道光法師

練師投老演真聖像劫空王爪與朕於摠持門通一
路以光明藏續下燈從容發口酬摩詰語邂逅持心契
慧能新句得公還有賴古人詩字句無僧

和祖仁晚過集禧觀

妍暖聊隨馬首東春衫猶未著方空煙靄送色歸瑤

水山木分香繞閨風壯髮已輪塵外綠衣顏漫到酒
邊紅日斜歸去人間世却記前遊似夢中

程公闢轉運江西

江西一節鑄黃金最慰章濱父老心長孺向來真強
予次公今不異重臨餘風尚有歡誼在陳迹非無勝
事尋豫想新詩能寄我十年華省故情深

次韻微之即席

釀成吳米野油囊却愛清談氣味長閑日有僧來北
阜平時無盜出南塘風亭對竹酬孤峭雪逕尋梅認
暗香江水中濡應未變一杯終欲就君嘗

和王微之秋浦望齊山感李太白杜牧之

齊山置酒菊花開秋浦聞猿江上哀此地流傳空筆

墨昔人埋沒已蒿萊平生志業無高論末世篇章有
逸才尚得使君驅五馬與尋陳迹久徘徊

次韻王微之登高齋

臺殿荒墟辱井堙豪華不復見臨春北山漠漠雲垂
地南埭悠悠水映人馳道蔽虧松半死射揚埋沒雉
多翻登高一曲悲亡國想繞紅梁落暗塵

和微之重感南唐事

叔寶傾陳衍弊梁可嗟曾不見興亡齋祠父子終身
費酣詠君臣舉國荒南狩皖山非故地北師淮水失
名王天移四海歸真主誰誘昏童肯用良

李君兄弟訪別長蘆至淮陰追寄

怒水憑風雪壘高亂流追我祇魚鰕忽看淮月臨寒

食想江春聽伯勞道義當成麟一角文章已禿免
千毫後生可畏吾知子南北何時見兩髦

貴州虞部使君訪及道舊竊有感惻因成

小詩

韶山秀拔江清寫氣象還能出楮紳當我垂髫初識
字看君揮翰獨驚人郵籤忽報旌麾入齋閣遙瞻組
綬新握手更誰知往事同時諸彥略成塵

冲卿席上得行字

二年相值喜同聲並轡塵沙眼亦明新詔各從天上
得殘樽同向月邊傾已嗟後會歡難必更想前官責
尚輕黽勉敢忘君所勗古人憂樂有違行

示董伯懿

穿橋度塹祗閑行詠石嘲花亦漫成嚼蠟已能忘世
味畫脂那更惜時名長千里北寒山紫白下門西野
水明此地一塵須卜築故人他日訪柴荆

臨川先生文集卷第十九

臨川先生文集卷第十九

小精

貴休莫謂新秋後
子學外坐下豈吾
吟于南共向湖
具兩學

臨川先生文集卷第二十一

律詩七言八句

思王逢原三首

和吳御史臨淮感事

和文淑湓浦見寄

次韻吳季野再見寄

次韻平甫贈三靈山人程惟象

次韻和甫詠雪

次韻張氏女弟詠雪

次韻徐仲元詠梅二首

詩呈節判陸君

留題曲親盆山

不到太初凡所居遂已十年以詩攀寄
偶成二首

雨過偶書

季春上旬苑中即事

上西垣舍人

退朝

與微之同賦梅花得香字三首

和晚菊

景福殿前栢

四月果

精西樹

度磨嶺寄莘老

狄梁公陶淵明俱為彭澤令至今有廟

刁景純作詩見示繼以一篇

寄沈鄱陽

送裴如晦宰吳江

次韻樂道送花

籌思亭

愁臺

和正叔懷其兄草堂

鄭子憲西齋

寄題思軒

陳君式大夫恭軒

寄黃吉甫

高魏留

丁年

思王逢原三首

布衣汗陌動成群卓犖高才獨見君
杞梓豫章蟠絕壑騏驎褭褭跨浮雲
行藏已許終身共生死那知半路分
便恐世間無妙質鼻端從此罷揮斤

二

蓬蒿今日想紛披冢上秋風又一吹
妙質不為平世得微言唯有故人知
廬山南墮當書案湓水東來入酒卮
陳迹可憐隨手盡欲歡無復似當時

三

百年相望濟時功歲路何知向此窮
鷹隼奮飛凰羽短駢鱗埋沒馬群空
中郎舊業無兒付康子高才有婦同
想見江南原上墓樹枝零落紙錢風

和吳御史臨淮感事

柵鑿城扉曉一開拖牙車軸轉成雷
黃塵欲礙龜山出白浪空分汴水來
澄觀有林邀昧陋霽雲無力報斜回
騷人此日追前事悲氣隨風動管灰

和文淑湓浦見寄

多難漂零歲月賒空餘文墨舊生涯
相看楚越常千里不及朱陳似一家
髮為感傷無翠葆眼從瞻望有玄花
唯詩與我寬愁病報爾何妨賦棗華

次韻吳季野再見寄

衣裘南北弊風塵志趣卑汗已累親流
俗尚疑身察

察交遊方笑黨頻頻遠同魚樂思濠上老使鷗驚耻
海濱邈邈得君還恨晚能明吾意久無人

次韻平甫贈三靈山人程惟象

家山松菊半荒蕪杖策窮年信所如占見地靈非卜
筮筭知人貴自陶漁父諳郭璞言多驗老比顏含意
更踈秣欲勒成方士傳借君名姓在新書

次韻和甫詠雪

奔走風雲四面來坐看山壘玉崔嵬平治險穢非無
德潤澤焦枯是有才勢合便疑包地盡功成終欲放
春回寒鄉不念豐年瑞只憶青天萬里開

次韻張氏女弟詠雪

天上空多地上稀初寒風力故應微那能鎮壓黃塵
起強欲侵凌白日飛邑犬橫來矜意氣窟蟾偷出助
光輝都城只有袁安憊我亦年年幸賜衣

次韻徐仲元詠梅二首

溪杏山桃欲占新高梅放蕊尚嬌春額黃映日明飛
燕肌粉含風冷太真玉笛悲涼吹易散冰紈生澀畫
難親爭妍喜有君詩在老我我老脩然敢效攀

二

舊挽青條冉冉新花遲亦度柳前春肌冰綽約如姑
射膚雪參差是太真搖落會應傷歲晚攀翻賸欲寄
情親終無驛使傳消息寂寞知誰笑與顰

詩呈節判陸君名彥回

中郎筆墨妙他年晚與君遊喜象賢款款故情初未

愁飄飄新句揔堪傳英才但未遭文舉 明主寧當
弃浩然投贈臨分加組麗小詩能不強雕鐫

留題曲親盆山 和州曲叙

巧與天成未覺殊國工施手豈須更根連滄海蓬萊
闊勢壓黃河砥柱孤坐上煙嵐生紫翠影中樓閣見
青朱爲山觀水皆良喻誰向君家識所趨

不到太初兄所居遂已十年以詩攀寄

一水衣巾翦翠綃九峯環珮刻青瑤生才故有山川
氣卜築兼無市井囂三葉素風門閤在十年陳迹履
綦銷歸榮早晚重攜手莫負幽人久見招

偶成二首

漸老偏諳世上情已知吾事獨難行脫身負米將求
志易力求田豈爲名高論頗隨衰俗廢壯懷難值故
人傾相逢始覺寬愁病搔首還添白髮生

二

懷抱難開醉易醒曉歌悲壯動秋城年光斷送朱顏
去世事栽培白髮生三畝未成幽處宅一身還逐衆
人行可憐蝸角能多少獨與區區觸事爭

雨過偶書

霈然甘澤洗塵寰南畝東郊共慰顏地望歲功還物
外天將生意與人間霽分星斗風雷靜涼入軒窻枕
簟間誰似浮雲知進退纔成霖雨便歸山

季春上旬死中即事

菴路行看斗柄東簾垂殿閣轉春風樹林隱翳燈含

霧河漢歎斜月墜空新
葢漫知紅簌簌舊山常夢直
叢叢賞心樂事須年少
老去應無日再中

上西垣舍人

共說才高世所珍
諸賢誰敢望光塵
討論潤色今爲美
學問文章老更醇
賦擬相如真復似
詩看子建的應親
仍聞悟主言多直
許史家兒往往嗔

退朝

門外鳴騶送響頻
披衣強起赴鷄人
火城夜闍雲藏闕
玉座朝寒雪被宸
邂逅欲成雙白鬢
蕭條難得兩朱輪
猶憐退食親朋在
相與吟哦未厭貧

與微之同賦梅花得香字二首

漢宮嬌額半塗黃
粉色凌寒透薄粧
好借月魂來決

燭恐隨春夢去
飛揚風亭把盞酬孤豔
雪徑回輿諾
暗香不爲調羹應
結子直須留此占年芳

二

結子非貪鼎鼐嘗
偶先占年芳從教臘雪埋藏
得却怕春風漏洩香不御
鉛華知國色祇裁雲縷想
仙裝少陵爲爾牽詩興
可是無心賦海棠

三

淺淺池塘短短牆
年年爲爾惜流芳
向人自有無言意
傾國天教抵死香
須臾黃金危欲墮
帶團紅蠟巧能裝
嬋娟一種如冰雪
依倚春風笑野棠

和晚菊

不得黃花九日吹
空看野葉翠葳蕤
淵明醅酌知何

處子美蕭條向此時委翳似甘終草莽栽培空欲傍
藩籬可憐蜂蝶飄零後始有閑人把一枝

景福殿前栢

香葉由來耐歲寒幾經真賞駐鳴鑿根通御水龍應
蟄枝觸宮雲鶴更盤怪石誤蒙三品號老松先得大
夫官知君勁節無榮慕寵辱紛紛一等看

四月果

一春強半勒花風幾日園林幾樹紅汲汲追攀常恨
晚紛紛吹洗忽成空行看果下蒼苔地已作人間白
髮翁豈惜解鞍留夜飲此身醒醉與誰同

牆西樹

牆西高樹結陰稠步屐窮年向此留白日屢移催我

老清風一至使人愁紛紛暝鳥驚還合渺渺涼蟬咽
欲休回首舊林歸未得看看知復幾春秋

度摩嶺寄莘老

區區隨傳換冬春夜半懸崖託此身豈慕土尊能許
國直緣毛義欲私親施爲已壞生平學夢想猶歸寂
寞濱風月一歌勞者事能明吾意可無人

狄梁公陶淵明俱爲彭澤令至今有廟在

焉刁景純作詩見示繼以一篇嘉祐中提
點江東刑

獄時

梁公壯節就夔魑陶令清身託酒徒政在房陵成底
事年稱甲子亦何須江山彭澤空遺像歲月柴桑失
故區末俗此風猶不競詩翁歎息未應無

寄沈鄱陽時為江東提刑

離家當日尚炎風叱馭歸時九月窮朝渡藤溪霜落
後夜過麾嶺月明中山川道路良多阻風俗謠言苦
未通唯有番君人共愛流傳名譽滿江東

送裴如晦宰吳江

青髮朱顏各少年幅巾談笑兩歡然柴桑別後餘三
徑天祿歸來盡一廛邂逅都門誰載酒蕭條江縣去
鳴弦猶疑甫里英靈在到日憑君為艤船

次韻樂道送花

沁水名園好物華露盤分送子雲家新糴欲應何人
面彩筆知書幾葉花曾和郢中歌白雪亦陪天上飲
流霞春風已得同心賞更擬攜詩載酒誇

籌思亭

在江東轉運司南廳後園

昔人何計亦何思許國憂民適此時寓興中園為遠
趣託名華榜有新詩數株碧柳蒼苔地一丈紅蕖綠
水池坐聽楚謠知歲美想銜杯酒問花期

愁臺

頽垣斷澗有平沙老木荒榛八九家河勢東南吹地
坼天形西北倚城斜傾壺語罷還登眺岸幘詩成却
嘆嗟萬事因循今白髮一年容易即黃花

和止叔懷其兄草堂

茹堂竹樹水之濱耕稼逍遙似子真小吏一身今倦
宦先生三畝獨安貧欲拋縣印辭黃綬來伴山冠戴
白綸祗恐明時收士急不容家有兩閑人

鄭子憲西齋

漫構軒窗意亦深
滔滔浮俗倦登臨
詩書千載經綸
志松竹四時蕭酒
心晴枕不容春夢
到夜燈唯許月
華侵行看富貴酬
勤苦車馬重來拾
翠陰

寄題思軒

名郎此地昔徘徊
天誘良孫接踵來
萬屋尚歌餘澤
在一軒還向舊堂
開右軍筆墨空殘
沼內史文章祗
廢臺邑子從今誇
勝事豈論王謝世
稱才

陳君式大夫示軒

恭軒靜對北堂深
新斲檀欒一畝陰
膝下往來前日
事眼中封植去年
心每懷續筆沾餘
瀝獨喜弦歌有
嗣音肯構會演門
闕大世資四川滿
篋金

寄黃士甫

學兼文武在吾曹
別後應看虎豹韜
欲問廟堂誰鎮
撫尚傳邊塞敢驚
騷旌旗急引飛黃
下時發騎烽火
遙連太白高聞說
荆人亦憔悴家家
還願獻春醪

高魏留

魏留十七助防邊
埋沒鹽州十八年
衣履窮空委胡
婦糗糧辛苦待山
田關河舊路頻回
首腹背他時兩
受鞭撻近得歸耶
戰死毋隨人去亦
蕭然

丁年

丁年結客盛遊從
宛洛檀車處處逢
吟盡物華愁筆
老醉消春色愛醅
濃壚間寂寞相如
病鍛處荒涼叔
夜慵早晚青雲須
自致立談平取徹
侯封

送李璋

送章宏

別葛使君

送王龍圖守荆南

次韻酬宋中散二首

和宋太博服除還朝簡諸朋舊

次韻酬宋玘六首

寄吳正仲蒙馬行之梅聖俞和寄依韻酬之

寄平甫

次韻舍弟常州官舍應客

舟還江南阻風有懷伯兄

同陳伯通錢杲翁遊山二君有詩因次元韻

夢張劔州

酬慕容員外

次韻張唐公馬上

和王司封會同年

次韻酬子玉同年

和舍弟舟上示沈道源

過山即事

酬裴如晦

酬鄭闕中

寄俞溫卿

寄郎侍郎

送道光法師住持靈巖

送王詹叔利州路運判

王孫舊讀五車書，手把山陽太守符。未駕朱轡辭輦，
轂却分金節佐均輸。人才自古常難得，時論如君豈
久孤。去去便看歸奏事，莫嗟行路有崎嶇。

送周仲章使君

看君東下雪溪船，回首紛紛已五年。簪筆少留吾所
望，剖符輕去此何緣。高麾行路穿秦樹，駿馬歸時著
蜀鞭。子墨文章應滿篋，承明宣室正詳延。

送王蒙州

請郡東南促去程，拍堤江水照紅旌。仁聲已逐春風
到，使節猶占夜斗行。箭落阜鷗免避，句傳炎海鱷
魚驚。麒麟不是人間物，漢詔先應召賈生。

送龐參判

北都兩去不辭勤，仕路論材況出群。一相開藩嘗負
弩，三年通籍更從軍。清談猶得當時事，遺愛應從此
日聞。我憶荆溪山最樂，看君摩翮上青雲。

送潘景純

東都曾以一當千，場屋聲名十五年。晚賜綠衣隨宦
牒，始操丹筆事戎旃。明時正欲精蒐選，榮路何當力
薦延。賴有史君能好士，方看一鶚在秋天。

送僧無惑歸鄱陽

晚扶衰憊寄人間，應接紛紛祗強顏。挂席每諳東匯
水，採芝多夢舊遊山。故人獨往今爲樂，何日相隨我
亦閒。歸見江東諸父老，爲言飛鳥會知還。

送遜師歸舒州

山川相對一悲翁，往事紛紛夢寐中。
邂逅故人恩意在，低徊今日笑言同。
看吹陌上楊花滿，忽憶巖前蕙帳空。
亦見桐鄉諸父老，爲傳衰颯病春風。

寄育王大覺禪師

單已安那示入禪，草堂難望故依然。
山今歲暮終岑寂，人更天寒最靜便。
隱蹟亦知甘自足，憑心豈吝慰相憐。
所聞不到荆門耳，人老禾新又一年。

寄無爲軍張居士

南陽居士月城翁，曾習禪那問色空。
卓犖想超文字外，低徊却寄語言中。
真心妙道終無二，末學殊方自不同。
此理世間多未悟，因君往往嘆西風。

次韻酬鄧子儀二首

青溪相值各青春，老去臨流輒損神。
事事只隨波浪去，年年空得鬢毛新。
論心未忍遺橫目，千世還憂近逆鱗。
嘉句感君邀我厚，自嗟才不異常人。

二

金陵邂逅府東偏，手得新蒲每共編。
采石偶耕垂百日，青溪並釣亦三年。
君才有用方求祿，我志無成稍問田。
一笑欲論心迹事，白頭相就且歌眠。

送李璋

湖海聲名二十年，尚隨鄉賦已華顛。
却歸甫里無三徑，擬傍胥山就一廛。
朱轂風塵休悵望，青鞋雲水且留連。
故人亦見如相問，爲道方尋木雁篇。

送章宏

道合由來不易謀，豈無和氏識荆璆。
一川濁水浮文鷁，千里輕帆落武丘。
身退豈嫌吾道進，學成方悟衆人求。
西風乞得東南守，杖策還能訪我不。

別葛使君

邑屋爲儒知善政，市門多粟見豐年。
迫攀更覺相逢晚，談笑難忘欲別前。
客幙雅遊皆置榻，令堂清坐亦鳴弦。
輕舟後夜滄江北，迴首春城空黯然。

送王龍圖守荆南

壯志高才偃一藩，更嗟賢路此時難。
長幡欲動何妨屈，老驥能行豈易閑。
沙市放船寒月白，渚宮留御舌苔斑。
知公未厭還隨詔，歸看功名重太山。

次韻酬宋中散二首

初見彤庭賜履雙，便參東閣寄商南。
邦時聞正論，除疑網每讀高辭。
折慢幢陳迹欲尋無，復日舊恩思報有。
如江風流今見佳公子，投老心旌一片降。

二

超然京洛諒難雙，處在家庭譽在邦。
道義門中窺戶牖，風騷壇上見麾幢。
素書款款誰憐杜，彩筆迢迢獨勝江。
信美賢公有才子，篤誠真復類危降。

和宋太博服除還朝簡諸朋舊

呼門初起外廷臣，秀氣稜稜動搢紳。
談論坐來能慰我，篇章傳出亦驚人。
生芻一束他年闕，伐木相求此地新。
便欲與君同樂處，窮通餘事不關身。

次韻酬宋玘六首

洗雨吹風一月春山紅漫漫綠紛紛
寒裳遠野誰從我散策空陂忽見君
青眼坐傾新歲酒白頭追誦少年文
因嗟涉世終無補久使高材雍上聞

二

東風渺渺客天涯病眼先春已見花
遠欲報君羞強聒老知隨俗厭雄誇
窮通往事真如夢得失秋毫豈更嗟
邂逅故人唯有醉醉中衣幘任欹斜

三

城中燈火照青春遠引吾方避糾紛
遊行水邊追野馬嘯歌林下應山君
愁尋徑草無求仲喜對簷花有廣文
邂逅一樽聊酩酊聲名身後豈須聞

四

遠迹荒郊謝雋豪春風誰與駐干旄
故交重跡思何厚新句連篇韻更高
美似狂醒初噉蔗快如衰病得觀濤
久知坏冶成天巧豈與人間共一陶

五

無能私願祗求田時物安能學計然
鑿井未成歌擊壤射熊猶得夢鈞天
遙思故國歸來日留滯新恩已去年
攜手與君遊最樂春風陂上水濺濺

六

山陂疇昔從吾親諸父先生各佩紛
零落長年誰語此遲回故地却逢君
衣冠偶坐論經術襁褓當時刺繡文
更怪高材終未遇有司何日選方聞

寄吳正仲却蒙馬行之都官梅聖俞大博
和寄依韻酬之

山水玄暉去後空騷人還向此間窮小詩聊與論孤
憤大句安知辱兩雄秦甲久愁荆劔利趙兵今窘漢
旗紅昔城不敢收餘燼馬首翩翩只欲東

寄平甫

少時爲學豈身謀欲老低徊各自羞乘馬從徒真擾
擾求田問舍轉悠悠弦歌舊國平生樂鞍馬新年幾
日留坐想搖鞭楊柳路春風先我入皇州

次韻舍弟常州官舍應客

霜雪紛紛上鬢毛憂時自悔目空蒿桑麻祗欲求三
畝執利誰能筭一毫此地舊傳公子札吾心真慕伯

成高飄然更有乘桴興萬里寒江正復艖

舟還江南阻風有懷伯兄

幾時重接汝南評兩槳留連不計程白浪黏天無限
斷玄雲垂野少晴明平臯望望欲何向薄宦嗟嗟空
此行會有開樽相勸日鶴鷁隨處共飛鳴

同陳伯通錢材翁遊山二君有詩因次元
韻

秋來閑興每登臨因叩精藍望碧岑強策羸驂尋水
石忽驚幽鳥下煙林同時覽物悲歡異自古忘名趣
向深安得湖山歸我手靜看雲意學無心

夢張劔州

萬里憐君蜀道歸相逢似喜語還悲江淮別業依前

處日月新阡十幾時自說曲阿猶未穩即尋湓水去
猶疑茫然却是陳橋夢昨日春風馬上思

酬慕容負外

嘗爲王宮教授以武舉入官按

初駕王門學者師晚漂湖海衆人悲吹毛未識腰間
劍刺股猶藏袖裏錐衛霍功名還有命蘇張才氣久
非時江尤亦見應須飲莫放窮愁入兩眉

次韻張唐公馬上

揭節初悲力不任賜身終愧謬恩臨病來氣弱歸宜
早偷取官多責恐深膏澤未施空謗怨瘡痍猶在豈
謳吟黃昏信馬江城路欲訪何人話此心

和王司封會同年

收科天陛頃同時回首相歡事亦稀追講舊遊塵

脫交酬新唱彩戲飛直須傾倒罇中酒休惜淋浪坐
上衣日暮主翁留客轄會稽聊滯買臣歸

次韻酬子玉同年

子玉詩云過盡金湯如帝策見求貂虎識軍儀

男兒本有四方志

我在蓬萊恐不知

盛德無心漠北窺蕃胡亦恐勢方靡塞垣高壘深溝
地幕府輕裘緩帶時趙將時皆思李牧楚音身自感
鍾儀慙君許我論邊鎮俎豆平生却少知

和舍弟舟上示沈道源

還裝欲盡喜舟輕更喜嘉賓伴此行野飲不忘魚可
釣旅羹何惜鴈能鳴西山壯馬先歸牧南穴殘臬欲
就烹憂國自多廊廟宰與君詩酒盡交情

過山即事

却過茲山已九年江湖身世只飄然曲城丘墓心空
折斷步庭闈眼欲穿慘慘野雲生隴底蕭蕭飢馬立
風前轉多愁思催華髮早晚輕舟上秀川

酬裴如晦

二年羈旅越人吟乞得東南病更侵傷子未安莊氏
義壽親還慰會侯心鮮鮮細菊霜前菜漠漠疎桐日
下陰濁酒一杯秋滿眼可憐同意不同斟

酬鄭閣中

蕭條行路欲華顛回首山林尚渺然三益祇知爲養
急五漿非敢在人先文章滿世吾誰慕行義如君眾
所傳宜有至言來助我可能空寄好詩篇

寄余溫卿

雲散風流不自禁天涯無路盡朋簪空馳上國青泥
信誰和南山白石音平日離愁寬帶眼訖春歸思滿
琴心終回一命翩翩駕獨過稽山銀樹陰

寄郎侍郎

兩朝人物歎賢豪凜冽清風晚見襄江漢但歸滄海
闊丘陵難學太山高放懷詩酒機先息迴首功名世
自勞又願作公樽俎客恨無三畝劉蓬蒿

送道光法師住持靈巖

靈巖開闢自何年草木神奇鳥獸仙一路紫苔通窅
窅千崖青靄落潺湲山祗嘯聚荒禪室象衆低摧想
法筵雪足莫辭重趼往東人香火有因緣

臨川先生文集卷第二十一

自昔及今千公轉世客無二日

閱立刻華學大山高為冠若世

兩障八陣煤烟豪氣風潮具

浩氣壯壯

琴公然回一命臨臨臨臨臨山

言藉味南山白不音平日

雲烟風氣不自林天我無

